

INFORMACIJA

o stanju sudskog postupka u predmetu uknjižbe objekta Upravne zgrade DPO

Temeljem Rješenja Zemljišnoknjižnog ureda Općinskog suda u Sarajevu br. 065-0-DN-22-045 131 od dana 22.09.2022. godine Gradu Sarajevo je dozvoljena uknjižba prava vlasništva sa udjelom 1/1 na nekretnini označenoj kao Upravna zgrada DPO, dvorište koje su upisane u ZK izvadak br. 28 KO SP_Sarajevo – Mahala CXXIX, te na nekretnini označenoj kao pristupni put, park i dvorište upisana u ZK izvadak br. 126 KO SP_Sarajevo – Mahala CXXIX.

DOKAZ: - Rješenje Zemljišnoknjižnog ureda Općinskog suda u Sarajevu
br. 065-0-DN-22-045 131 od dana 22.09.2022. g.

Po navedenoj uknjižbi prava vlasništva na navedenim nekretninama u korist Grada Sarajevo, u cilju preuzimanja posjeda na predmetnim nekretninama, Administrativna komisija Gradskog vijeća Grada Sarajevo je na 41. sjednici održanoj dana 31.03.2023. godine pod tačkom 7. – Razmatranje nacrtu Sporazuma o predaji u posjed nekretnine-objekta Upravne zgrade DPO usvojila Zaključak kojim je naloženo Pravobranilaštvu Grada Sarajevo da izradi nacrt sporazuma u pogledu predaje u posjed nekretnine - objekta Upravne zgrade DPO. Po usaglašavanju konačnog teksta sporazuma, isti je od strane gradonačelnice upućen Vladi Federacije radi zaključenja.

Služba za zajedničke poslove organa i tijela Federacije Bosne i Hercegovine je dana 04.01.2024. godine, Gradu Sarajevo dostavila Zaključak Vlade Federacije BiH od dana 22.12.2023. godine koji je donešen po razmatranju dostavljenog nacrtu Sporazuma. Navedenim Zaključkom zadužuje se Služba za zajedničke poslove organa i tijela Federacije Bosne i Hercegovine da Gradu Sarajevo i Parlamentu Federacije BiH predloži da zajednički iznađu rješenje i postignu dogovor oko nastavka korištenja prostorija u objektu Upravne zgrade DPO, do okončanja postupka po žalbi.

DOKAZ: - Akt Službe za zajedničke poslove organa i tijela Federacije Bosne i Hercegovine od dana 28.12.2023. godine sa Zaključkom Vlade F BiH od dana 22.12.2023. g.

Obzirom na navedeno, predloženi Sporazum u pogledu predaje u posjed nekretnine-objekat Upravne zgrade DPO nije zaključen, niti su poduzete bilo koje druge aktivnosti u pogledu predaje u posjed dijela objekta upravna zgrade DPO Gradu Sarajevo od strane Službe za zajedničke poslove organa i tijela Federacije Bosne i Hercegovine

O svemu prethodno navedenom, Pravobranilaštva Grada Sarajevo je Administrativnu komisiju Gradskog vijeća i Gradsko vijeće informisalo dopisom od dana 15.01.2024. godine, a koja informacija je na 35. sjednici Gradskog vijeća Grada Sarajevo održanoj dana 24.01.2024. godine primljena k znanju.

Pravobranilaštvo Grada Sarajevo je dana 10.01.2024. godine Kantonalnom sudu u Sarajevu uputilo urgenciju radi prioritetnog rješavanja po predmetnoj žalbi. Rješavajući po navedenom zahtjevu za hitno postupanje u predmetu, predsjednik Kantonalnog suda u Sarajevu je dana 04.03.2024. godine donio akt br. 009-0-Su-24-000036 kojim je odobreno da se navedeni

predmet tretira kao hitan, te je isti dostavljen postupajućem sudiji u rad.

DOKAZ: - Molba/Urgencija za prioriternim odlučivanje od 10.01.2024. g.
- Akt predsjednika Kantonalnog u Sarajevu 009-0-Su-24-000036 od 04.03.2024. g.

Postupajući po žalbi Pravobranilaštva Bosne i Hercegovine protiv Rješenja Zemljišno-knjižnog ureda Općinskog suda u Sarajevu, Kantonalni sud u Sarajevu je dana 14.03.2024. godine donio Rješenjem kojim je odbijena žalba Pravobranilaštva Bosne i Hercegovine i potvrđeno prvostepeno Rješenje Zemljišno-knjižnog ureda Općinskog suda u Sarajevu kojim je Grad Sarajevo upisan kao vlasnik objekta upravne zgrade DPO.

Temeljem navedenog Rješenja Kantonalnog suda u Sarajevu, Rješenjem Zemljišno-knjižnog ureda Općinskog suda u Sarajevu određeno je da je predmetni objekat vlasništvo Grada Sarajevo sa udjelom 1/1, te je izvršeno brisanje zabilježbe podnesene žalbe Pravobranilaštva Bosne i Hercegovine. Navedena Rješenja Pravobranilaštvu Grada Sarajevo su dostavljena dana 02.04.2024. godine.

DOKAZ: - Rješenje Kantonalnog suda u Sarajevu br. 09 0 Dn 043604 23 Gž
od 14.03.2024. g.
- Rješenje Zemljišno-knjižnog ureda Općinskog suda u Sarajevu br.
065-0-DN-22-045 131 od 26.03.2024. g.

Uzimajući u obzir sve navedeno, Pravobranilaštvo Grada Sarajevo konstatuje da je postupak po žalbi okončan čime je Rješenje o upisa Grada Sarajevo kao vlasnika objekta upravne zgrade DPO postalo **pravosnažno**.

O svemu navedenom Pravobranilaštvo Grada Sarajevo je obavijestilo Vladu Federacije Bosne i Hercegovine, kao i Službu za zajedničke poslove organa i tijela Federacije Bosne i Hercegovine sa pozivom za predaju u posjed prostorija koje su vlasništvo Grada Sarajevo, a kako je utvrđeno izrađenim planom optimalnog smještaja i ranije sačinjenim nacrtom Sporazuma.

DOKAZ: - Akt Pravobranilaštva Grada Sarajevo br. 01-08-Gp-6-2/24 od 07.04.2024. g.
- Akt Pravobranilaštva Grada Sarajevo br. 01-08-Gp-6-3/24 od 07.04.2024. g.

ZAKLJUČAK

1. Nalaže se gradonačelnici Grada Sarajevo da Službi za zajedničke poslove organa i tijela Federacije Bosne i Hercegovine i domovima Parlamenta Federacije Bosne i Hercegovine uputi zahtjev radi predaje u posjed objekta Upravne zgrade DPO na adresi Hamdije Kreševljakovića br. 3, Sarajevo, sa ostavljenim rokom od trideset (30) dana za postupanje imenovanih po navedenom zahtjevu.

2. Nalaže se Pravobranilaštvu Grada Sarajevo da protekom roka od trideset (30) dana od dana upućivanje zahtjeva iz tačke 1., a u slučaju nepostupanja Službe za zajedničke poslove organa i tijela Federacije Bosne i Hercegovine i domova Parlamenta Federacije Bosne i Hercegovine po zahtjevu iz tačke 1., istim uputi posljednju opomenu pred tužbu radi predaje u posjed objekta Upravne zgrade DPO na adresi Hamdije Kreševljakovića br. 3, Sarajevo, sa ostavljenim rokom od trideset (30) dana za postupanje imenovanih po navedenom zahtjevu.

3. Nalaže se Pravobranilaštvu Grada Sarajevo da protekom roka od trideset (30) dana, a u slučaju nepostupanja Službe za zajedničke poslove organa i tijela Federacije Bosne i Hercegovine i domova Parlamenta Federacije Bosne i Hercegovine u skladu sa zahtjevima iz tačke 1. i 2. ovog zaključka, pokrene sudski postupak radi predaje u posjed objekta Upravne zgrade DPO Gradu Sarajevo kao vlasniku iste.